

Universitätsbibliothek Paderborn

**D. Ioannis Ivsti Lanspergii Carthviani, Natione Bavari,
Opvscvla Spiritvalia**

ab ipso Autore partim Latinè, partim Germanicè euulgata

Orationibvs Variis, Et Ignitis aspirationum iaculis ad Deum, Deiparam
Virginem Mariam, cæterosq[ue] Sanctos - exercitijs item diuersis, tum
maximè Paßionis Dominicæ, eiusq[ue] matris, refertißimus

Landsberg, Johannes Justus

Coloniae Agrippinae, 1630

Pro sui contemptione, Dei forti amore, & in cunctis aduersis patientia
valida & pro felici morte. Precatio V.

[urn:nbn:de:hbz:466:1-45928](https://nbn-resolving.de/urn:nbn:de:hbz:466:1-45928)

qui à populo illo Iudeorum ingratissimo reprobatus, & ad mortem crucis postulatus: permisisti te tradi à iudice militibus flagellandum, ad sedandum, ut ipse spe- Mat. 27.
rabat, furiosi populi scutitiam. Raptus es ilicet à rabiis & crudelissimis lictoribus,
& non sine graui ignominia vestibus omnibus nudatus, ab eis vinculis duris ad co-
lumnam atrociter ligatus, & virgis, flagellis, scorpionibus immaniter verberatus.

Hei patientissime Iesu, quomodo nobilissima caro tua de innocentissima vir-
gine nata & enutrita immixtissime laceratur, quomodo cutis tua tenera crudeliter
discerpitur, decor corporis tui prophanatur, sanguis tuus sacrosanctus funditur,
impiorumq; pedibus conculcatur? Heu bone Iesu, quam dolorosa fuit hæc tui fla-
gellatio, cùm totius iniquitatis ministri plagam super plagam, liuorem super li-
uorem, & dolorem super dolorem addiderunt & inflixerunt: satiari acerbitate
dolorem tuorum non potuerunt, donec tibi agno mitissimo, incogitabiles dolo-
res, cum innumeris blasphemis, usque ad sui fatigationem exaggerauerunt: quo
factum est innocentissime Iesu, ut non aliter, quam pessimus malefactor tracta-
teris.

Pro sua contemptione, Dei sorti amore, & in cunctis aduersis patientia valida, & profe-
lici morte, Precatio V.

Per nimiam haec tui vilificationem & opprobriolum despectum, quo affe-
ctus es, cùm tu rex cœli & terræ, Dominus Angelorum, & Dei filius, viuifica-
tor omnium, maledicto homicide, quasi te meliori, à dilecto populo tuo post-
ponebaris, te oro & obsecro pater amantissime, des mihi, ut te vnicum Dominum
& Deum meum, vnicet eligam & diligam, & præferam omnibus creatis visibilibus
& invisibilibus, & propter nullam rem vñquam te negligam aut contemnam. Et
ut meipsum tota ratione contemnam, nec alii cui creaturæ me comparare audeam,
sed tanquam abominabile vitiorum vas, omnium nouissimum & imperfectissi-
mum ex corde credam. Adoro, etiā laudo & benedico te creator benignissime, gra-
tias agens tibi pro innocentissima verecundia tua, qua ante oculos derisorum tui
afficiebaris, pro immensa acerbissimi vndiq; doloris magnitudine, pro singulis
flagellorum iictibus, pro copioso sanguine tuo ad peccata populi abluenda effuso.
Et per hos diros & ineffabiles cruciatus & dolores tuos, perq; singulas plagas, liuo-
res & vulnera tua, quæ mitissima lenitate, inuicta patientia, & summo etiam erga
ipsos hostes tuos amore sustinuisti, ex tota anima & spiritu, obsecro pietatem tuā
ardentissime, ut per hæc flagellationis tuæ merita, in hora mortis meæ ab omni-
bus culpis & eorum pœnis liberum me facias, quibus in Curia tuæ iustitiae tunc
obnoxius tenebor, ut sic ex singulari gratiæ & misericordia tua peccatis meis plenè
omnibus per te remissis, totus liber ac mundus ex hac vita, continuò immediateq;
ad æternam recipiar. Nihilominus da mihi dulcisime Iesu, ad passionis tuæ con-
formitatem, imitationem & gratiarum actionem patientissime & humillime fer-
re, quicquid tua dignatio mihi imposuerit, & eo semper amore gratater suscipere,
quo de diuino & paterno corde mihi transmittis: ut sic tua passio pro peccatis meis
plenè satisfaciat, ego vero non quasi pro peccatis meis, sed pro tui amore & bene-
placito patiar, quicquid tu ipse volueris & disposueris, idq; cum iugi gratiarum
actiones in omnibus & pro omnibus, te semper magis diligens, ac laudans sine fine:
ut videlicet sic per tuæ flagellationis meritum euadere quædam æternæ pœnae cru-
ciatum, Amen.